

[www.BibleForChildren.org](http://www.BibleForChildren.org)

# Matyu 26



Afa Pasova  
buyis meyi ofe  
eba enwesog la  
gohug osuna  
enanam pugufe. Afa  
Sisas Betani la puguna.  
Eba Lasarusna kembang asa  
enanai yi ehem lahanaba  
asa Sisas ehem ilafona.  
Afa Maria sanda  
botolna kwania buihia  
flanam Sisasna mong yi  
sufunam heafna laponi  
titenagena. Asa suialag fungug lala  
la puguna. Hwa sanda eba kaksag kigna feg.



Enanam enag 12 fenam Sisasna nihiyihai, enag elyinai, mungo Judas Iskariot, enag yikanam enginag ainiyag prisim ona nawo Sisasim faim.

Enginag ainiyag pris enag ena mom higinim enag sifakalni.

Enag osoni, "Emba ka nem mani faiyif." Enag Judas

enag mina yisigiagena

ogum ahana

minawawo

amansini

pris elim


enag

Sisasimba


ka faiyif?



Afa patalfuiag el gwenai  
esini maia Sisas esonibi afa  
asa enag fanem numwehiagini.  
Afa sa ahagaflafenaba sa  
Sisas bret mungu flanam  
Godim sahanam asa patalfuiag  
elim kukoskofenam mangeni  
afa esona og, "Lambinim  
ahaga, hwaba  
kana elig."



Afa wain bug kafna gwenai  
esena flanam Godim  
sahanam asa mangeni afa  
esona og, "Sa mungwali enaba  
ahaga. Hwaba kana taf ena  
taf eba ogfu fwaha Godna  
mo sihi fwahag ena moba  
nufunam. Ka taf sugfoiba asa  
kaksag elni nufwehi mo  
hugufleitnife."



Afa Sisas Pitam sihina og, "Saimon sa hig, Satan  
Godim sahnag oagna neana olug onigigim yuhna. Asa  
ofenaiba efef liim fe safla faka ofefla. Afa ka neana  
olug onigigim Godim sahnai eba mas neana olug  
onigigim fwahie. Afa maia ne pese bloiba eba sa ne  
nimbiafna nilitem  
ehengelni  
onigigim  
fwaki  
lasanfe."




Afa Pita higi enaig sihifena og, "Ainiyag, afa ne kalabusiba akofiba big mungwal ahkafe. Afa nem tigi afatifibi eba sa ma kam gafa tigi fati. Ka mas embefei." Afa Sisas ehem sihina og, "Pita ka nem sihinag enaba gla sinaini kakaruk mwasiag fwainig fefiba asa ne sambaga mungu nagim esofe ne kam mas anwenafenag mo."



Afa Sisas patalfuiag elim  
wankanam enag bite seflig  
Getsemani. Ehe og, "Hwa  
nai yi auguiafiba kaba  
osum betennegim ako."  
Godum enaig sahnafena,  
"Humoan, kana awag, namba  
yuhwafef mungwal amang  
esel enag, ka sawiyifeg  
emba tawetik i, kinig i enag  
kana nihiyinai hikifati. Enag  
kana sawiegim nofeka  
pahalukum! Awai! Nimbefena  
sawiegim enam pahalukui."  
Sisas Godum enaig sahanafena.



Asa saglag pris afa farisi el Godna kwania lala  
anwasag el mi afa mingnag ami mi ningitigi. Afa  
ehengel wina maluna lambinim asa Judas  
esim wankana. Afa sa ehengelnai  
mungu kasu skoflanam prisni  
misog elni gafugag elim  
nihiginai angum  
higeflaitina. Afa  
Sisas enaig esona og,  
"Magwese fwaha!"  
Afa sa Sisas ehena  
angugum ningana  
pese gabahlana.



Afa sa Sisasim kehlinim misog prisni lala gam  
wanigafuiafnaba afa Pita sum kiniafwaha  
fiahkafna. Afa el lala  
bog muhla olyi suwi  
wehlinim enanai  
yi auguiafnaba  
Pita gafa ika  
nanai yi  
gafena.



Afa prisni misog elni  
gafugag el mungu  
enanai yi gofena.  
Asa Pita ehena  
nilitem angugum  
higiflaitina. Ehe  
Pitam sihina og, "Atiasi  
ka nem nangunaba neba  
ehi aso la ahgofena?" Afa  
Pita pese sihina og, "Amo,  
kaba awai." Afa ikagna  
kakaruk moasihina. Afa asa  
afwambagam pugu ikanam  
nugwakal ufwe feagena.




Afa sa enag mungwali el Sisasim Pailat nangum wanig afuna, eba Romna misog el. Asa Pailat Sisasim sahna og, "Neaho ne Ju elni misog elbi feg?" Afa Sisas esona og, "Ei, gwenaho ne sihig." Afa Pailat ona Sisasim fwaha asa elim enaig pese sihi feni. Afa mungwali mungwa

mengna fwina esog ona og, "Sonag elimbi li katigeg la

kukufenagi! Sonag elimbi li katigeg la kukufenagi!"




Afa Pailat Sisasim ehengelni ninga la fwahaniba asa ehe li katigeg la fli kahlini. Asa ami ehem kehlinim. Afa ehe heafna li katigeg maia kufehlanamba asa wanigafuna. Afa mungwali afu ena bite la apukena eba seflig misog kig gig bite. (Afa Hibiru mona eba seflig Golgota.)



Afa enanai yi ehengel Sisasim afa ming  
sambaganigi el mi li katigeg la lambi  
kagini. Afa Sisas olyi luguna afa  
sambaganigi el mo  
ehbegam  
ahlugwagna.



Afa gwenanam Godna Kwania lala nai lofug olyi  
plefunam pekan pitkafena. Afa Sisas ambwaitina  
esona og, "Api, ka kikeafna sungwabugbi nibeafna  
ninga la afwaha." Afa ena mo  
sihinam asa lahana.



Osuwu yikanam pefenamba, Josep  
kimbig Arimateanai bonam puguna.

Josepmba kot anuana el  
esel enag elyinai mungo.

Mungwal kot el olningni

Josepmba nininewug

el lahlag. Ehe gamba

Godna wanagagim

nisanawofena.

Enag sinimba Sabat  
osuwu wa puguf, enag  
yawanamba amang  
amang numwehiagigim  
sinigim. Israelna  
moamba enaig feg ming  
osunam gamba autinam  
Sabat elim wahagmba  
mas li kaga tipegwamba  
Sabatnamba luwafi.



Sabatnamba mungwal Israel  
el enag ming osuwu pegam  
autinam Sabatnamba  
gafungagmba enag  
wahiyifini yikafenam  
Sabat osuwupegwa  
puguafena.

Enanam enag  
Josep mas  
embefenamo Josep  
enag yikanam  
Pailatna nihiyi  
pugunam eso Pailatim  
enaig sahana fena,  
"Kawo Sisasim  
pitigifakunam hun  
megam osaigonam  
fakim."



Josep lofug busug lahlag manina  
fanam eso Sisasim pitigifanam  
opina, lofug busugni enana  
saganam, eso hun mimewa  
kumoahilini. Hun  
mimemba enamba  
autinam Josep  
ehfena gafungag  
wanai el kunim  
wahiyini,

ena hun megam  
Sisasna eligim  
fakinim. Eso hun  
amta nalog yitiwiti  
fefug ambogwanam  
eso hun mengigim  
kaguwunim wahiyini.




Afa numwehiagig osuna mo  
awaienaba afa ming osuna  
mo asa saglag pris i afa  
farisi el i Pailat  
nangugum afuna.



Afunam esogona og, "Saglag luwal  
ka onigig autunam enag mwakwal  
el nofkena ati sihi  
fwahana og, 'Sambaga  
mungu osuna awaiyeba  
asa ka pese buihiafe.'  
Asa ehengel afunam  
bitegim kikisininim  
asa soldia mo



kaguni  
afofena."




Afa esug auguia osuna maia awaienaba  
afa leana gubi Maria Makdala la  
nai i afa ming Maria i bitegfe  
ahnangwagim ahblona. Eba  
Sande angig osuna  
sahfena. Afa asag  
kwania ihlafona asa  
Ainiyagna oflanai el  
penam blo puguna.



Afa fun fla waike fenam asa  
enanai yi sisi gafena. Afa  
anwasag el ehem fwina  
embefenagini afa kiafigig  
geaskofenam apaiye  
melig pigieg lofug  
afogwafena.



Afa enag oflanai el sambaganigi  
angwafigim sihini og, "Nofeka  
embe ahfe, ati ka anwenafeg  
nenigi Sisasim ahyisgiegim  
ahblo. Enag elbi li  
katigegla tigrini kahlig.  
Eba mas ohiaba gif  
mo eba ati pese  
buihiakag ehe ati




enaig sihifena. Sa  
ahblo ahnangu  
ehena kifegim.



Afa angwafig enanai ahfwahanam ahkana,  
afa ehenigi embeafiahfnaba afa ming  
ehege mo sifakale ahfena. Asa  
kikini ahkanam patalfuiag elim  
ahsihini. Afa ahkafenaba Sisas  
gwei ikagna pugu ulambina ehe  
enaig esoni og, "Leana". Asa  
ehenigi ahblonam ehena  
mongim

ahkehlanam  
unehlagim fingi ahfena.





---

Afa enengem eh efena nihiyinai el oguafenamba  
ahagafafenamba, enag Sisas pugunam  
wambnam, eso eh efena nihiyinaim enag wagini.  
Ehel enag mas olninginimo, enagenagim  
ehelni olug enag mweteti hun lofug. El  
esel sihigoni Sisasmba ati piskegam bwihag,  
ena mom enag olningi hwanig. Enaig fenamba  
enag Sisas wagini. Sisas Ainiyag enag mo  
sihinugenam, mayi wahianamba, eso God  
sulufanam ofgam wanikina, enag  
Sisas Godna nihigim aga.



Afa God mungwali elim fwina membini  
asa heafna Leg mungu nemug hwa  
bite la ningihiana. Asa amban el  
ehem olug oningig sama  
wahkig nofkenagag fli  
afa ehe mas  
awaiye.



Rom 3:23 Afa mungwali el amtakwalig esig asa Godna suialag sawiegim big fagufakig.

Rom 6:23 Afa amtakwalig nihe eba mungwag bigim lahag faig. Afa Godna esmunagim bigim kwaganig eba wahkig nofkenagag feg. Enaba bigelni Ainiyag Sisas Krai nai yi go.

Hibru 9:27 Afa mungwali el sa ma mungu nagim pigiba asa God ehengelim kwefihiagefe.

Efesus 2:8,9 Afa Godna aflafeg munguhe ne Sisasim oniginigbi asa nem lambig. Enaba mangwal nimbe ne esih mo amo eba God ehe nem esmunagim faig. Afa mas amban heafna unehlagimba fingi fei, amo eba awai, asa hwaigba mango bimbeafna gafugag la puguia mo.



Rom 10:9,10 Afa atiaba neana mengig la sa ne enaig esofe, "Sisas eba Ainiyag", afa neana olug enaig onigig feba God ehem lahag la nai ilafofatig asa God nem pese lambife. Afa olugni sa big Godim olug onigig asa big Godna nof la afsug bi fig. Afa mengigna sa big enag onigigim sihighbi asa God bigim lambig.

Jon 3:16,17 Afa God mungwali elim fwina membini asa heafna Leg mungu nemug hwa bite la ningihiana. Asa amban el ehem olug onigig sama wahkig nofkenagag fli afa ehe mas awaiye. Afa God heafna legim ningihiana mango kwefihiagegim afa susug fai enaigim blo mo eba awai God ehem ningihiana sama ehe elim kwagani.



1 Jon 5:11-13 Afa enag mo bigim blonig God ati bigim wahkig nofkenagag faig afa heafna Leg ati mina pigi fwahag asa God sama enaig esei. Afa amban ne Sisasna fefe eba ati nofkenagag flag. Afa amban ne Godna Legna feg fwainig ehenai yi enag nofkenagag awai. Afa amban ne Godna Legna unehlagim olug oninginag ka nengelim ginofenig. Ka membeg nengel sa anwenafi nengel ati wahkig nofkenagag flig asa ka hwa mo nengelim ginofenig.



Matyu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Amanab Bible (amn) © 2012, Wycliffe Bible Translators,  
Inc. All rights reserved.

<https://live.bible.is/bible/AMNPNG/MAT/1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

